

MÁ-LÀH-KI (39)

1 Iâ-hô-hoa bék-sī ê oē, thok-tiōng Má-làh-ki thoân hō· Í-sek-liát--ê.

²Iâ-hô-hoa kóng, Goá ū thiàⁿ lín; chóng-sī lín kóng, Lí tī sím-mih sū thiàⁿ goán ah? Iâ-hô-hoa kóng, Í-sò kiám m̄-sī Ngá-kok ê hiaⁿ mah? Chóng-sī Goá thiàⁿ Ngá-kok; oàn-hūn Í-sò, hō· i ê soaⁿ hong-hoè, ēng i ê giáp kau hō· không-iá ê soaⁿ-káu. ⁴Í-tong kóng, Goán hiân-chāi sui-jiân húi-hoài, iáu-kú beh koh khí hong-hoè ê só·-chāi; bân-kun ê Iâ-hô-hoa án-ni kóng, In beh khí i, goá beh húi i; lāng beh chheng i choè choē-ok ê keng-kài, choè Iâ-hô-hoa éng-oán siū-khì ê peh-siⁿ. ⁵Lín beh chhin-bák khoàⁿ-kìⁿ, iā beh kóng, Tī Í-sek-liát keng-kài ê goā-bīn, Iâ-hô-hoa beh choè toā.

⁶Khoàⁿ-khin Goá ê miā ê chē-si ah, bân-kun ê Iâ-hô-hoa tui lín kóng, Kiáⁿ chun-keng i ê lāu-pē, lô·-pók chun-keng i ê chú-lāng, Goá nā choè pē, Goá tit-tiōh chun-keng tī toh-lóh? Goá nā choè chú-lāng, Goá tit-tiōh keng-ùi tī toh-lóh? Lín chiū kóng, Goán tī sím-mih sū khoàⁿ-khin Lí ê miā ah? ⁷Lín ēng bô chheng-khì ê piáⁿ hiàn tī Goá ê toāⁿ; iáu koh kóng, Goán tī sím-mih sū siat-tók Lí ah? In-ūi lín kóng, Iâ-hô-hoa ê toh sī thang khoàⁿ-khin--ê. ⁸Lín chiong chhiⁿ-mī ê cheng-siⁿ hiàn choè chē-mih, che kiám-m̄-sī pháiⁿ mah? Chiong pái-kha á-sī ū piⁿ ê cheng-siⁿ lāi hiàn, che kiám-m̄-sī pháiⁿ mah? Lín chhi-hiàn hō· lín

ê chóng-tok, i beh hoaⁿ-hí lín, chiap-láp lín mah? Che sī bân-kun ê Iâ-hô-hoa kóng-ê. ⁹Taⁿ khng lín, khún-kiū Siōng-tè si-un khoan-iōng lán; chit ê sū tui lín ê chhiú chiaⁿ ū; I kiám beh chiap-láp lín tiong-kan chit-lāng mah? Che sī bân-kun ê Iâ-hô-hoa kóng-ê. ¹⁰Goán lín tiong-kan ū lāng koaiⁿ tiān-m̄ng, bián-tit lín khang-khang tī Goá ê toāⁿ khí hé. Bân-kun ê Iâ-hô-hoa kóng, Goá bô hoaⁿ-hí lín, iāh bô beh tui lín ê chhiú chiap-láp lé-mih. ¹¹Bân-kun ê Iâ-hô-hoa kóng, Tui jít-chhut kàu jít-lóh ê só·-chāi, Goá ê miā choè-toā tī liát-pang-tiong; ták só·-chāi hong Goá ê miā sio-hiūⁿ, hiàn chheng-khì ê lé-mih; in-ūi Goá ê miā choè toā tī liát-pang-tiong. ¹²Chóng-sī lín siat-tók i, kóng, Iâ-hô-hoa ê toh bô chheng-khì, i ê téng-bīn ê chiaⁿ-mih sī thang khoàⁿ-khin--ê. ¹³Lín koh kóng, Khoàⁿ ah, kàu hiah lo-so hui-khì; iāh ng-phīⁿ iām-chiān i; che sī bân-kun ê Iâ-hô-hoa kóng-ê. Lín ēng só· chhiúⁿ--ê, pái-kha--ê, phò-siūⁿ--ê, thēh-lāi hiàn-choè lé-mih, Goá kiám beh tui lín ê chhiú chiap-láp mah? che sī Iâ-hô-hoa kóng-ê. ¹⁴Ké-hó ê lāng, tī kui-kūn-tiong ū kang ê cheng-siⁿ, i hē-goān chiū ēng ū hā-chhū--ê, hiàn hō· Chú, chit-hō ê lāng thang chiū-chó, in-ūi Goá sī toā kun-ông, Goá ê miā tī liát-kok-tiong sī thang kiaⁿ-ùi--ê; che sī bân-kun ê Iâ-hô-hoa kóng-ê.

2 Lín chiaⁿ ê chē-si ah, chit ê bēng-lēng sī

hō· lín--ê. Bān-kun ê Iâ-hô-hoa kóng, Lín nā m̄-thiaⁿ, m̄ hē tī sim--nih, lâi kui êng-kng Goá ê miâ, Goá chiū hō· chiū-chó· kàu tī lín, hō· lín ê hok-khì piàn-choè chiū-chó·; Goá í-keng chiū-chó·, in-ūi lín bô chiong bēng-lēng hē tī sim--nih. ³Khoàⁿ ah, Goá beh ūi-tiòh lín lâi phah-pháiⁿ chéng-chí, koh ēng pùn kô· lín ê bīn, chiū-sī lín ê seng-lé ê pùn; lín beh kap i pīⁿ-pīⁿ tū--khì. ⁴Lín chiū chai Goá ēng chit ê bēng-lēng hō· lín, thang choè Goá kap Lī-bī só· líp ê iok; che sī bān-kun ê Iâ-hô-hoa kóng--ê. ⁵Goá kap i só· líp--ê, sī oáh-miâ kap pēng-an ê iok; Goá chiong che hō· i, hō· i kiaⁿ-ùi; i chiū kiaⁿ-ùi Goá, kèng-ùi Goá ê miâ. ⁶Chin-lí ê lút-hoat tī i ê chhùi-lāi; tī i ê chhùi-tūn chhē bô put-gī; i ēng pēng-an cheng-tit kap Goá tâng-kiâⁿ, hō· choē-choē lāng oát-tng lī-khui pháíⁿ. ⁷In-ūi chē-si ê chhùi-tūn tiòh chūn tì-sek, lāng tiòh tui i ê chhùi chheng-kàu lút-hoat, in-ūi i sī bān-kun ê Iâ-hô-hoa ê sù-chiá. ⁸Chóng-sī lín ū lī-khui hit tiâu lō·, hō· choē-choē lāng tī lút-hoat tiòh-tak; lín pāi-hoāi Lī-bī ê iok; che sī bān-kun ê Iâ-hô-hoa kóng--ê. ⁹Só·-í Goá hō· lín siū cheng-lāng khoàⁿ-khin, khoàⁿ-choè hā-chiān; in-ūi lín bô siú Goá ê tō-lō·, tī lút-hoat ēng phian-su khoán-thāi lāng. ¹⁰Lán kiám-m̄-sī tâng chit ê pē mah? Kiám-m̄-sī chit ūi Siōng-tè chhòng-chō lán mah? Lán ták-lāng siáⁿ-sū ēng khúi-chà khoán-thāi hiaⁿ-tī, pāi-hoāi liát-chó· ê iok ah? ¹¹Iū-tāi kiâⁿ khúi-chà koh tī Í-sek-liát kap Iâ-lō·-sat-léng ê tiong-kan kiâⁿ khó-òⁿ ê sū; in-ūi Iū-tāi siat-tók Iâ-hô-hoa só· thiàⁿ ê sèng-só·; choā hók-sāi goā-pang ê siōng-tè ê cha-bó·-kiáⁿ choè bó·. ¹²Kiâⁿ chit-hō sū ê lāng, goān Iâ-hô-hoa tui Ngá-kok ê pò·-pīⁿ-tiong, tū-khì i só·-ū ê lāng, hék-sī chhi^m--ê, hék-sī in--ê, í-kip hiàn lé-mih hō· bān-kun ê Iâ-hô-hoa--ê. ¹³Lín

koh án-ni choè, hō· bák-sái thi-khau kap thó·-khui piàn-moá Iâ-hô-hoa ê toāⁿ, tì-kàu I bô koh khoàⁿ-kò· lé-mih, iā bô hoaⁿ-hí tui lín ê chhiú chiap-láp. ¹⁴Lín iáu-kú kóng, Che sī siáⁿ-sū? In-ūi Iâ-hô-hoa tī lí kap lí siàu-liân só· chhoā ê bó· ê tiong-kan choè kan-cheng; i sui-jiân sī lí ê phit-phoè, koh sī lí bēng-iok ê bó·, lí iáu-kú ēng khúi-chà khoán-thāi i. ¹⁵I ê sūn sui-jiân ū chhun, kiám-m̄-sī chō chit--ê mah? Siáⁿ-sū chí-ū chit--ê? chiū-sī beh kiū sèng ê hō--ê. Só·-í tiòh kín-siú lín ê sim, ták-lāng m̄-thang ēng khúi-chà khoán-thāi siàu-liân só· chhoā ê bó·. ¹⁶Iâ-hô-hoa Í-sek-liát ê Siōng-tè kóng, Lī-bó· ê sū kap ēng không-pō khoán-thāi bó· ê lāng, Goá oán-hūn i; só·-í tiòh kín-sīn siú lín ê sim, m̄-thang kiâⁿ khúi-chà; che sī bān-kun ê Iâ-hô-hoa kóng--ê.

¹⁷Lín ēng oē thiau-lân Iâ-hô-hoa. Lín iáu-kú kóng, Goán ēng sím-mih thiau-lân I ah? In-ūi lín kóng, Hoān-nā choè-pháiⁿ--ê, Iâ-hô-hoa khoàⁿ i choè hó, koh hoaⁿ-hí i; á-sī kong-gī ê Siōng-tè tī toh-lòh ah?

3 Bān-kun ê Iâ-hô-hoa kóng, Khoàⁿ ah, Goá chhe Goá ê sù-chiá, i beh tī Goá ê thau-cheng pī-pān lō·; lín só· chhē ê Chú, beh hut-jiân kàu I ê tiān, bēng-iok ê sù-chiá, chiū-sī lín só· him-bō--ê, khoàⁿ ah, i lâi lah. ²Tók-tók I lâi ê jlt, chī-chui tng-oē-khí; I hián-hiān ê sí, chī-chui khiā-oē-tiâu? In-ūi I chhin-chhiūⁿ thoàn-liân--ê ê hé, koh chhin-chhiūⁿ phiò-pò--ê ê kīⁿ. ³I beh chē-teh, chhin-chhiūⁿ thoàn-liân gūn hō· i chheng-khì--ê, lâi chheng-khì Lī-bī ê kiáⁿ-sun, thoàn-liân in chhin-chhiūⁿ kim-gūn; in chiū beh pīn kong-gī hiàn lé-mih hō· Iâ-hô-hoa. ⁴Hit-sī Iū-tāi kap Iâ-lō·-sat-léng só· hiàn ê lé-mih, beh tit-tiòh Iâ-hô-hoa hoaⁿ-hí, chhin-chhiūⁿ kū-sí ê jlt, kó·-chá ê ní. ⁵Bān-kun ê Iâ-hô-hoa kóng, Goá beh līm-kàu

lín, lăi sím-phoàⁿ; Goá beh kín-kín choè kan-chèng lăi chí-bêng kiâⁿ siâ-sút--ê, kiâⁿ kan-îm--ê, lăm-sám chiù-choā--ê, khui-hū choè kang lăng ê kang-chîⁿ--ê, khi-ap koáⁿ-hū ko-jî--ê, oan-óng chhut-goā lăng--ê, kap bô kiaⁿ-ùi Goá--ê. ⁶In-ùi Goá Iâ-hô-hoa bô koé-oāⁿ; só-í lín Ngá-kok ê kiáⁿ bô tú-tiòh biát-bô.

⁷Băn-kun ê Iâ-hô-hoa kóng, Tùi lín liát-chó[·] ê jít í-lăi, lín ũ ùi-poē Goá ê lút-lē, iā bô siú i; taⁿ lín tiòh oát-túg chhē Goá, Goá chiū oát-túg chhē lín; chóng-sī lín kóng, Goán tiòh cháiⁿ-iūⁿ oát-túg? ⁸Lăng kiám thang thau-thêh Siông-tè ê mih mah? Lín kèng-jiân thau-thêh Goá ê mih. Chóng-sī lín kóng, Goán tī sím-mih sū thau-thêh Lí ê mih ah? Chiū-sī tī eng-kai lăp ê chấp-hūn-chit kap lé-mih. ⁹In-ùi lín thông-kok ê lăng lóng thau-thêh Goá ê mih; só-í lín siū tâng ê chiù-chó[·]. ¹⁰Băn-kun ê Iâ-hô-hoa kóng, Lín tiòh ēng chấp-hūn ê chit-hūn, oan-choân sàng-jíp hú-khò[·], hō Goá ê chhū ũ bí-niū; ēng chit-ê lăi chhi Goá, khoàⁿ Goá kó-jiân kă lín khui thiⁿ ê thang-á, piàⁿ hok-khì hō lín, kàu bô tè thang hē bô? ¹¹Băn-kun ê Iâ-hô-hoa kóng, Goá beh ũ lín chek-pī chháu-meh, bô iông-ún i húi-hoăi thó[·]-sán; lín chhân--nih ê phū-tô-chhiū, tī bē sèk ê tăi-seng iā bô lak-liáp. ¹²Băn-kun ê Iâ-hô-hoa kóng, Băn-kok beh chheng lín choè ũ hok-khì--ê, in-ùi lín beh choè thang hoaⁿ-hí ê toē.

¹³Iâ-hô-hoa kóng, Lín ēng ngī ê oē kek Goá. Lín iáu-kú kóng, Goán ēng sím-mih oē kek Lí ah? ¹⁴Lín bat kóng, Hók-săi Siông-tè sī khang-khang, goán chun-siú I ê bēng-lēng, tī bân-kun ê Iâ-hô-hoa bīn-chēng khek-khó[·] lăi kiâⁿ, ũ sím-mih lī-ek ah? ¹⁵Taⁿ goán chheng kiau-ngō[·] ê lăng ũ hok-khì; iăh koh kiâⁿ-pháiⁿ ê lăng tit-tiòh kiân-líp; in chhi Siông-tè, iáu-

kú tit-tiòh kiù-chhut. ¹⁶Hit-sī kèng-ùi Iâ-hô-hoa ê lăng saⁿ-kap kóng, Iâ-hô-hoa àⁿ hī-khang teh thiaⁿ; koh ũ kì-liām ê chheh siá tī I ê bīn-chēng, sī ũi-tiòh kèng-ùi Iâ-hô-hoa siâu-liām I ê miâ ê lăng. ¹⁷Băn-kun ê Iâ-hô-hoa kóng, Tī Goá só[·] tiāⁿ-tiòh ê jít, in beh kui tī Goá, choè tèk-piát ê pó-poē; Goá beh thiàⁿ-sioh in, chhin-chhiūⁿ lăng thiàⁿ-sioh hit-ê hók-săi i ê kiáⁿ-jī. ¹⁸Hit-sī lín beh koh oē hiáu-tit hó-lăng kap pháiⁿ-lăng ê hun-piat, hók-săi Siông-tè ê lăng kap bô hók-săi Siông-tè ê lăng ê hun-piat.

4 Băn-kun ê Iâ-hô-hoa kóng, Khoàⁿ ah, hit-jít beh kàu, chhin-chhiūⁿ hé-lô[·] teh tòh; kìⁿ-nă kiau-ngō[·]--ê kap kiâⁿ-pháiⁿ--ê, beh chhin-chhiūⁿ chháu-iù; hit-ê beh lăi ê jít beh it-chīn sio i, kun kap kì lóng bô lâu-teh. ²Tók-tók lín kèng-ùi Goá ê miâ ê lăng, beh ũ kong-gī ê jít khí-lăi chiò lín; i ê sít ũ i-tī ê kong-hău; lín beh chhut-lăi tiô-thiâu, chhin-chhiūⁿ tiâu-lăi pui ê gū-á. ³Tī Goá só[·] tiāⁿ-tiòh ê jít, lín beh thún-táh pháiⁿ-lăng, in-ùi in beh choè hé-hu tī lín ê kha-ē. Che sī bân-kun ê Iâ-hô-hoa kóng--ê.

⁴Lín tiòh kì-tit Goá ê lô-pók Mô-se ê lút-hoat, chiū-sī Goá tī Hô-liát ũi-tiòh Í-sek-liát chēng-lăng só[·] hoan-hù i--ê, chiū-sī lút-lē kap hoat-tō. ⁵Khoàⁿ ah, Iâ-hô-hoa toā koh thang kiaⁿ ê jít bē kàu ê tăi-seng, Goá beh chhe sian-ti Í-lī-a kàu lín hia; ⁶i beh hō choè lâu-pē-ê ê sim oát-túg ñg i ê kiáⁿ, choè kiáⁿ--ê ê sim, oát-túg ñg i ê lâu-pē, bián-tit Goá lăi chiù-chó[·] chit ê toē.